

淡軒稿

月

澹軒先生詩集卷第三

湖廣岳州府同知孫希範刻于岳陽公署

南京大理寺左寺正曾孫炳章重刻于金

陵公署

五言排律

挽東湖徐處士二首

佳兆牛眠處
新阡馬鬣崇
淒淒荒草露
颯颯白楊風
巨筆揮潛德
深衣想舊容
名儕高士列
行與古人同
別業澄塘上
遺庄綠野中
逕殘陶令

翁絃絕伯牙桐化鶴來仙客歸鷗失海翁傳家
留蕊範教子有成功門掩孤燈暗齋懸一榻空
送愁寒夜笛吊影暮秋鴻哀挽詩千首遺言書
數封賢郎懷手澤讀罷恨何窮萬卷書香遠千
鍾世祿崇一經繩祖武百葉振儒風教子垂嚴
訓怡親極婉容范田宗族共姜被弟昆同習隱
東湖上躬耕北隴中閑雲隨短履流水入孤桐
未作金門客餓成皓首翁窮通惟俟命經濟豈
無功處士星初墜華胥夢已空周廷思呂望漢

室失梁鴻蕙幌紅塵滿龜碑碧蘚封獨留遺愛
在食報永無窮

七言排律

瑞雪應制

四野濃雲一色同六花呈瑞在嚴冬九重北闕
銀爲瓦萬疊西山玉作峰乍覺梨花輕點地宛
如柳絮任飄風光連旦暮應難辨素積川原杳
莫竄冷氣夜侵雲毋幌寒敲曉滴水晶宮園林
草木回春暖瓏岫來牟兆歲豐黎庶謳歌均海

宇宸章煥耀宗謙冲微臣稽首陳謌頌萬歲三
呼等華封

應制瑞龜

聖化洋洋萬物熙乾坤和氣產神龜胚胎獨稟
金精秀瑩潔渾如玉色竒幸際昌期應獨見有
開佳兆必先知著叢舊伏西江地蓮葉新巢太
液池自是唐堯爲曆日還同大禹負文時書成
魯臯麟方出樂奏虞庭鳳載儀伏覩四靈今畢
至小臣敬獻太平詩

驄馬行春

乘驄萬里按炎方
夙夜憂勤食不遑
非假霜威凌白日
欲乘元氣煦青陽
咨諏遍歷崎嶇地
巡歷深探瘴癘鄉
細柳迴搖銀轡落
綠花輕點綉鞞香
使星入夜輝穹漢
膏雨隨車霑遠荒
雲散郊垌搏鷲鳥
豺逃岩壑避神羊
諸司共識今桓典
百姓爭迎古召康
教被徭獯遵禮義
仁薰貪酷棄
循良桑麻畝
畝仁風藹絃誦
閭閻化日長
廣采民謠歸史館
頻收詩句付奚囊
直言曾落

奸邪膽勁節恒存
鐵石腸入覲
龍顏深喜當年八駿謾齊芳

挽劉寺丞父

早膺鶚薦覲楓宸
解組花封遂乞身
江右田園尋舊業
山中泉石卜新隣
折肱載喜傳三世
剖股曾聞壽二親
案列琴碁心寂々
庭趨詩禮訓醇々
推恩兩贈官如子
一夢俄驚歲在辰
蒿里淒涼無復曉
杏林零落不成春
銘題宰石公孤筆
劍掛甌松故舊人
千古青山埋玉處
幾多行

客淚沾巾

挽上舍鄭先輩

橋門聽講幾朝曠藉匕 敵名海內聞筆法端嚴
王逸少詩才騷雅鮑參軍登名未占龍頭選秉
翰先脩地下文萬里旅魂歸故國一封枯骨瘞
新墳蔽悲落月鸞求侶影斷斜陽雁失群朋舊
纔爲南北列幽明遽作死生分閻桑梓留遺
恨馨砌芟蘭播遠芬別業尚存東野菊開愁晝
在泮池芹擢科自古希逢灝下地而今又屈蕢

無分百年成白首何慚三世踵青雲驚人詩句
誰能和貽後書田子善耘我愧莫酬親炙願寫
成哀些欲心焚

挽江處士

早侍嚴君宦遠方歸來隨意卜行藏田園舊業
遺休遠泉石幽盟引興晷郡裏正懸高士榻月
中忽暗少微光温匕玉樹埋黃壤鬱匕陰臺翳
白楊孤子過廷思學禮季方聽雨憶連床歲寒
已負松爲友秋晚空餘菊滿庄佳句尚多留藁

在故人已少惜琴亡自慚鷄絮無由奠淚洒新
箋寫挽章

五言絕

蒲萄四首

繁葩結組綬紫實懸珠璣摘來休釀酒聊以充
歲饑脩蔓高千尋繁陰覆十丈紫瑩實纍纍草
龍結珠幌簷底虬龍蟄昂然奮怒鬚一乘雷雨
起頷下吐明珠漢使西域歸移栽遍中國不有
釀酒人涼州那可博

七言絕

鶴

人間何處有芝田，遶海將軍路幾千。
寧似日陪鸞鳳侶，五雲深處舞蹁躑。

皓依丹頂曳玄裙，獨立昂藏迥不群。
高舉未橫千里翼，長鳴直入九天聞。

雉

雙飛戛戛出林間，五采文章絢羽翰。
若使岐山時一見，未應不作鳳凰看。

雙眠雙浴復雙飛。文采輝煌錦出機。不是性剛能秉節。未應繪上袞龍衣。

金纓采服煥晴曦。終日臨流影自窺。舉世但知文可愛。一心猶介有誰知。

鷹

爪翅凌霜志氣豪。金眸百里見秋毫。山中狡兔無遺類。當道豺狼莫爾逃。

解條直上五雲深。碧漢飛騰隘上林。此日將軍初罷狩。閑來樹底逐飛禽。

鴛

池塘水滿柳垂陰。留得雙鴛伴醉吟。不是主人
獸愛惜。右軍書法已無今。
柳塘泛渚復眠沙。雪羽霜翎玉不瑕。引頸長鳴
知自適。相隨喜入右軍家。

雙鵲圖

星稀月皎倦南飛。銀漢橋成路轉微。穩占萬年
枝上宿。不煩三匝嘆無依。

鷓鴣圖

苦竹叢深路不分
散上相應隔湘雲
別來忽向圖中見
彷彿江南曲裡聞

衡宇賓壺

門對壺山絕四隣
暫分風月伴吟身
他時買斷壺中景
莫忘當年舊主賓

草堂吟翠

萬山當戶翠屏張
隱几唵來興自長
曾似連床風雨夜
夢隨春草到池塘

鳳嶺巢雲

鳳山一室白雲深。門逕網緼杳莫尋。一旦從前
因作雨。誰言出岫本無心。

梅窻映雪

六花積素映晴先。展卷梅邊夜正長。莫道孫窻
今寂寞。程門還見立游楊。

蘭江別意

八景爲游洋劉知縣賦

蘭江景物不禁秋。况復江頭送別舟。客路無窮
人北去。離情不盡水東流。

采石懷古

江上何年已跨鯨，荒墳宿草幾回青。
沉波捉月非因醉，欲往湘江吊獸醒。

匡廬翠黛

千尋翠壁倚天開，一道飛泉樹杪來。
詩景滿懷吟不盡，今人空憶謫仙才。

江漢朝宗

一水交流一脉通，朝宗大海自趨東。
孤舟北上觀光客，戀闕丹心一片同。

洞庭春色

東風開霽洞庭春，萬頃澄波一色新。
湖底魚龍初變化，喜乘樺浪躍天津。

彭澤秋容

客帆晚度陶彭澤，兩岸葉聲寒瑟瑟。
當年五柳井爲薪，讓與蘆花作秋色。

赤壁夜月

東山月出一天秋，萬籟沉沉水自流。
吹徹洞簫人不見，一鷺白鶴掠孤舟。

黃鶴遺風